

DIE IV. APRILIS:

10

OFFICIUM  
IN FESTO  
SANCTI ISIDORI  
EPISCOPI, ET CONFESS.

D U P L E X.

*Omnia de Communi Confessoris Pontificis, præter ea, quæ sequuntur.*

*Ad Magnificat in utrisque Vesperis, Aña. O Doctor optime!*

ORATIO.

**D**Eus, qui populo tuo æternæ salutis Beatum Isidorum Ministrum tribuisti; præsta quæsumus, ut quem Doctorem vitæ habuimus in terris, intercessorem habere mereamur in Cælis, Per Dominum.

IN I. NOCTURN.

*Lectioes.* Sapientiam omnium antiquorum, de Communi Doct.

IN II. NOCTUR.

*Lectio iv.*

**I**Sidorus, natione Hispanus, Doctor egregius, ex nova Carthagine Severiano Patre, Provinciæ Duce, natus, à Sanctis Episcopis Leandro Hispalensi, & Fulgentio, Carthaginiensi fratribus suis, piè, & liberaliter educatus, Latinis, Græ-

Græcis, & Hebraicis litteris, divinisque, & humanis legibus instructus, omniscientiarum, atque Christianarum virtutum genere præstantissimus evasit. Adhuc adolescens hæresim Arianam, quæ gentem Gothorum Hispaniæ latissimè dominantem jampridem invaserat, tantâ constantiâ palam oppugnavit, ut parùm abfuerit, quin ab Hæreticis necaretur. Leandro vitâ functo, ad Hispalensem Cathedram invitatus quidem, sed urgente in primis Recaredo Rege, magnoque etiam Cleri, Populique consensu assumitur, ejusque electionem Sanctus Gregorius Magnus, nedum authoritate Apostolica confir-

mâsse, sed & electum transmissio de more pallio decorâsse, quin etiam suum, & Apostolicæ Sedis in universa Hispania Vicarium constituisse perhibetur.

Æ. Inveni David.

*Lectio v.*

**I**N Episcopatu quantum fuerit constans, humilis, patiens, misericors, in Christiana, & Ecclesiastica disciplina instauranda sollicitus, eaque verbo, & scriptis stabilienda indefessus, atque omnidemum virtutum ornamento insignitus, nullius lingua enarrare sufficeret. Monastici quoque Instituti per Hispaniam promotor, & amplificator eximius plura construxit Monasteria, Collegia itidem ædifi-

3  
ædificavit; ubi studiis sacris, & lectionibus vacans, plurimos discipulos, qui ad eum confluebant, erudivit, quos inter Sanctus Ildephonus Toletanus, & Braulio Cæsaraugustanus Episcopi emicuerunt. Coacto Hispani Concilio Acephalorum hæresim Hispaniæ jam minitantem, acri, & eloquenti disputatione fregit, atque contrivit. Tantam apud omnes sanctitatis, & doctrinæ famam adeptus est, ut elapso vix ab ejus obitu sexto-decimo anno, universa Toletana Synodo duorum supra quinquaginta Episcoporum plaudente, ipsoque etiam Sancto Ildephonso suffragante, Doctor egregius Catholicæ

Ecclesiæ novissimum decus in sæculorum sine doctissimus, & cum reverentiā nominandus appellatus meruerit; eumque Sanctus Braulio non modo Gregorio Magno comparaverit, sed & erudiendæ Hispaniæ loco Jacobi Apostoli cælitus datum esse censuerit.

¶. Posui adiutorium.

*Letitio vi.*

**S**cripsit Isidorus libros Etimologiarum, & de Ecclesiasticis Officiis, aliosque quamplurimos Christianæ, & Ecclesiasticæ disciplinæ ad eum utiles, ut Sanctus Leo Papa Quartus, ad Episcopos Britanniæ scribere non dubitaverit: Sicut Hieronymi, & Augustini, ita Iudo-



ri dicta retinenda esse, ubi contigerit inusitatum negotium, quod per Canones minimè defini possit. Plures etiam ex ejusdem scriptis sententiæ inter Canonicas Ecclesiæ leges relatæ conspiciuntur. Praefuit Cõcilio Toletano quarto omnium Hispaniæ celeberrimo. Denique cum ab Hispania Arianam hæresim eliminasset, morte sua, & Regni vallatione à Saraceno- rum armis publicè prænuntiata, postquam quadraginta circiter annos suam rexisset Ecclesiam, Hispali migravit in Cælum anno sexcentesimo trigesimo sexto. Ejus corpus inter Leandrum fratrem, & Florentinam sororem, ut ipse manda-

verat, primò conditum, Ferdinandus Primus Castellæ, & Legionis Rex, ab Eneto Saraceno Hispali dominante magno pretio redemptum, Legionem transtulit, & in ejus honorem Templum ædificatum est: ubi miraculis clarus, magna populi devotione colitur.

✽. Ilte est, qui ante

IN III. NOCTUT.

Lectio S. Evangelii secundum Matthæum.

Lectio vii. Cap. 5.

**I**N illo tempore dixit Jesus discipulis suis: Vos estis sal terræ. Quòd si sal evanuerit, in quo salietur? Ad nihilum valet ultra, nisi ut mitta-

mittatur foras, & conculcetur ab hominibus. Et reliqua.

Homilia S. Isidori  
Episcopi.

*Ex lib. 2. Officiorum ad  
S. Fulgentium, c. 5.*

**Q**ui in erudien-  
dis, atque in-  
stituendis ad virtu-  
tem populis prærit,  
necesse est, ut in om-  
nibus sanctus sit, &  
in nullo reprehensi-  
bilis habeatur. Qui  
enim alium de pec-  
catis arguit, ipse à  
peccato debet esse  
alienus. Nam qua  
fronte subjectos ar-  
guere poterit, cum  
illi statim possit cor-  
rectus ingredi: An-  
tè doce te quæ recta  
sunt? Primitus quip-  
pe semetipsum cor-  
rigere debet, qui  
alios ad benè viven-

<sup>5</sup>  
dum admonerè stu-  
det, ita ut in omni-  
bus semetipsum for-  
mam vivendi præ-  
beat, cunctosque ad  
bonum opus, & do-  
ctrinâ, & opere pro-  
vocet. Cui etiam  
scientia Scriptura-  
rum necessaria est.  
Quia si Episcopi tan-  
tum sancta sit vita,  
sibi soli prodest, sic  
vivens. Porro si &  
doctrinâ, & sermone  
fuerit eruditus, po-  
test ceteros quoque  
intruere, & docere  
suos, & adversarios  
repercutere, qui nisi  
refutati fuerint, at-  
que convicti, facile  
possunt simplicium  
corda pervertere.

℞. Amavit eum Do-  
minus.

*lectio viii.*

**H**ujus sermo de-  
bet esse purus,  
sim-

simplex, apertus plenus gravitatis, & honestatis, plenus suavitatis, & gratiæ, tractans, de mysterio legis, de doctrina fidei, de virtute continentia de disciplina justitiæ: unumquemque admonens diversa exhortatione, juxta professionem, morumque qualitatem, scilicet, ut pranoscat quid, cui, quando, vel quomodo proferat. Cujus præ cæteris speciale officium est, Scripturas legere, percurrere Canones, exempla Sanctorum imitari; vigiliis, jejunis, orationibus incumbere, cum fratribus pacem habere, nec quemquam de membris suis discernere, nullum damnare, nisi comprobaturum, nullum excom-

municare, nisi discussum. Quique ita humilitate pariter, & authoritate præesse debet, ut neque per nimiam humilitatem suam subditorum vicia convalescere faciat, neque per immoderantiam severitatis potestatem exerceat, sed tantò cautius erga commissos sibi, quantò durius à Christo indagari formidat.

R. In mediò Eccles.

*Lectio ix.*

**T**enebit quoque illam supereminentem donis omnibus charitatem, sine qua omnis virtus nihil est. Custos enim castitatis, charitas; locus autem hujus custodis, humilitas. Habebit etiam inter hæc omnia castitatis emi-



eminentiam, ita ut  
 mens Christo dedita,  
 ab omni inquina-  
 mento carnis sit  
 munda, & libera  
 Inter hæc oportebit  
 eum sollicita dispen-  
 satione curam pau-  
 perum gerere, esu-  
 rientes pascere, ve-  
 stire nudos, suscipe-  
 re peregrinos, capti-  
 vos redimere, vi-  
 duas, ac pupillos tue-  
 ri, pervigilem in  
 cunctis exhibere cu-  
 ram, providentiam  
 habere distributione

discreta. In quo  
 etiam hospitalitas ita  
 erit præcipua, ut om-  
 nes cum benignitate,  
 & charitate suscipiat.  
 Si enim omnes fide-  
 les illud Evangelium  
 audire desiderant:  
 Hospes fui, & susce-  
 pistis me, quantò  
 magis Episcopus, cu-  
 jus diversorium cun-  
 ctorum debet esse re-  
 ceptaculum?  
 Te Deum laudamus.

*Missæ de Commun. Doct.  
 cum. Credo.*



## URBIS, ET ORBIS.

**A**D pias Serenissimi Philippi V. Regis Catholici preces, nec non enixas, humilesque Ecclesiarum Hispaniæ supplicationes, S. M. Clementi Pape XI. porrectas, & ad Sac. Rit. Congr. remissas in eaq; per Emur. & Rmum. D Card. de Belluga relatas, Sac eadem Cong. Officium S. Isidori Episc. & Conf. cum Lektionibus II. & III. Noct. diligenter revisis, atque correctis approbavit, ac ab omnibus Christi Fidelibus utriusque sexus, tam Sæcularibus quàm Regularibus, qui ad Horas Canonicas tenentur, die 4. Aprilis sub ritu dup. minori recitari, & Missam respectivè de Communi Doctorum cum Credo celebrari debere indul- sit, si SSmo. Dño. N. visum fuerit. Die 25. Aprilis 1722.

Et facta de prædictis per me Secretarium eidem SSmo. Dño. N. relatione, Sanctitas sua benignè annuit. Die, & anno, ut supra.

F. Card. Paulutius Præf.

Loco ✕ Sigilli.

N. M. Tedeschi Archiep. Apamen.  
Sac. Rit. Congreg. Secret.